

Siunnersummut nassuaatit

Nassuaatit nalinginnaasut

1. Aallaqqasiut

Siunnersummi matumani Kalaallit Nunaanni Inatsisartunut qinersisarneq pillugu Inatsisartut inatsisaat nr. 9, 31. oktober 1996-imeersoq allanngortinnejassaaq. Siunnersuut, Kalaallit Nunaanni Kommunit Kattuffiata 2018-imi aprilip naaneranit avammut sammisumik suliaqarnerminik unitsitsinerata aammalu kingusinnerpaamik ulloq 31. juli 2018 atorunnaarsinneqarnissaata naatsorsuutigineqarnerata, malitsigaa.

1.1. Inatsisissatut siunnersummut tunngaviusoq

Qinersinermut ataatsimiititaliaq Inatsisartut inatsisaat naapertorlugu pilersinneqarpoq aammalu Inatsisartut, kommunalbestyrelsinut, nunaqarfimmi aqutsisunut aamma ilagiit sinnisaannut qinersinermi suliassat arlallit isumagisarlugit. Kalaallit Nunaanni Kommunit Kattuffiani pisortaq Qinersinermut ataatsimiititaliami ilaasortaavoq, kisianni kattuffiup avammut sammisumik suliaqarnera unippat, ilaasortaajunnaartussaalluni. Taamaalilluni Inatsisartut inatsisaata allanngortinnejarnissaai pillugu siunnersuuteqarnermi siunertaavoq, kommunit aamma siunissami Qinersinermut ataatsimiititaliami ilaasortaatitaqarnissaasa qulakkeerneqarnissaai.

2. Siunnersummi immikkoortut pingarnerit

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	<p style="text-align: center;">§ 1</p> <p>Kalaallit Nunaanni Inatsisartunut qinersisarneq pillugu Inatsisartut inatsisaat nr. 9, 31. oktober 1996-imeersumi, Inatsisartut inatsisaanni nr. 10, 30. oktober 1998-imeersumi aamma Inatsisartut inatsisaanni nr. 21, 3. december 2012-imeersumi allanngortinnejartumi, makkua allanngortinnejarput:</p>
§ 54. Imm. 2. Qinersinermut ataatsimiititaliamut ilaasortaassapput Namminersornerullutik Oqartussani pisortat qullersaat, Kalaallit Nunaanni Kommunit Kattuffianni pisortaq aammalu biskoppi, imaluunniit taakkua sinnisorisartagaat.	<p>1. § 54, imm. 2, imatut oqaasertalerneqarpoq: "Qinersinermut ataatsimiititaliami ilaasortaapput Naalakkersuisut Siulittaasuata Naalakkersuisoqarfianii naalakkersuisoqarfimmut pisortaaneq, ilaasortaq ataaseq kommunit ataatsimoorlutik toqqagaat kiisalu biskoppi imaluunniit taakkua</p>

	sinniisorisartagaat.”
§ 54. Imm. 4. Nammingersornerullutik Oqartussani pisortat qullersaat Qinersinermut Ataatsimiititaliamit siulittaasuussaaq.	2. § 54, imm. 4, imatut oqaasertalerneqarpoq: ”Naalakkersuisut Siulittaasuata Naalakkersuisoqarfiani naalakkersuisoqarfimmut pisortaaneq Qinersinermut ataatsimiititaliamut siulittaasuuvvoq.”
	§ 2 Inatsisartut inatsisaat ulloq 1. juni 2018 atuutilerpoq.

3. Pisortanut aningasaqarnikkut allaffissornikkullu sunniutaasussat

Siunnersuut pisortanut aningasaqarnikkut imaluunniit allaffissornikkut sunniuteqassanngilaq.

4. Inuussutissarsiortunut aningasaqarnikkut allaffissornikkullu sunniutaasussat

Siunnersuut inuussutissarsiortunut aningasaqarnikkut allaffissornikkullu sunniuteqassanngilaq.

5. Avatangiisit, pinngortitaq aamma inuit peqqissusaat

Siunnersuut avatangiisinut, pinngortitamut imaluunniit inuit peqqissusaannut sunniuteqassanngilaq.

6. Innuttaasunut sunniutaasussat

Siunnersuut innuttaasunut sunniuteqassanngilaq.

7. Sunniutaasussat allat annertuut

Siunnersuut allanik annertuunik sunniuteqassanngilaq.

8. Oqartusanut kattuffinnullu tusarniaaneq

Siunnersuut piffissami februarip 12-aniit februarip 26-anut 2018 tusarniaaffigineqartunut makkununga tusarniaassutigineqarpoq:

Kalaallit Nunaanni Biskoppi, Naalakkersuisut Siulittaasuata Naalakkersuisoqarfia, Aningasaqarnermut Akileraartarnermullu Naalakkersuisoqarfik, Kommune Qeqertalik, Qeqqata Kommunia, Kommuneqarfik Sermersooq aammalu Kommune Kujalleq.

Siunnersuut piffissami tassani Naalakkersuisut tusarniaanernut iserfissiaanni tamanut ammasumik saqqumitinneqarpoq.

Tusarniaaffigineqartunit makkunannaq tusarniaanermut akissuteqaat tiguneqarpoq:
Naalakkersuisut Siulittaasuata Naalakkersuisoqarfia, Aningaasaqarnermut
Akileraartarnermullu Naalakkersuisoqarfik kiisalu Kommune Qeqertalik.

Tusarniaaneq pillugu allakkiaq, tusarniaanermut akissuteqaatit tiguneqartut taakkua aamma Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoqarfip taakkununnga oqaaseqaatai pillugit paassisutissanik imaqartoq ilanngunneqarpoq.

Inatsisissatut siunnersuummi aalajangersakkanut ataasiakkaanut nassuaatit*§ 1-imut***Nr. 1-imut**

Inatsit manna naapertorlugu qinersinerup aqunneqarnerata saniatigut aamma kommunalbestyrelsinut, nunaqarfinni aqutsisunut aamma ilagiit sinnisaannut qinersinermi naammagittaalliorfiusoq, Qinersinermut ataatsimiititaliap katitigaanerani takuneqarsinnaavoq.

Kalaallit Nunaanni Kommunit Kattuffiani pisortaq, kattuffiup atorunnaarsinneqarnerata kingunerisaanik, ilaasortamik kommunit ataatsimoorlutik toqqaagaannik taarserneqarpoq. Ilaasortaq aammalu pineqartup taassuma sinniisussaa amerlanerussuteqartut toqqaanerisigut toqqarneqarsinnaassapput.

Kalaallit Nunaanni Namminersornerup atuutsinneqalersimancerata kingunerisaanik, taaguut "Namminersornerullutik Oqartussani pisortat qullersaat" taarserneqarpoq imatut "Naalakkersuisut Siulittaasuata Naalakkersuisoqarfiani naalakkersuisoqarfimmum pisortaaneq".

Nr. 2-imut

Kalaallit Nunaanni Namminersornerup atuutsinneqalersimancerata kingunerisaanik, oqaaseq "Namminersornerullutik Oqartussani pisortat qullersaat" taarserneqarpoq imatut "Naalakkersuisut Siulittaasuata Naalakkersuisoqarfiani naalakkersuisoqarfimmum pisortaaneq".

§ 2-imut

Inatsisartut inatsisaat 1. juni 2018 atuutilerpoq.